

Broj: 01-1-1789/24

Datum: 26.12.2024. g.

ZAPISNIK SA 44. REDOVNE SJEDNICE UPRAVNOG ODBORA JU BIBLIOTEKA SARAJEVA

održane dana 23.12.2024. godine (ponedjeljak) u poslovnoj zgradi Biblioteke, u ulici Mis Irbina br.4,
sa početkom rada u 16.15 sati

Sjednicu je otvorila i sjednicom predsjedavala Aida Čupović, predsjednica Upravnog odbora, konstatujući prisustvo sastava Upravnog odbora kako slijedi:

- Aida Čupović, predsjednica Upravnog odbora, - Ivana Henda, članica Upravnog odbora.
- Midhad Kurtović, član Upravnog odbora ispred kolektiva.

Sjednici također prisustvuje i direktorica JU Biblioteka Sarajeva, Merima Lendo, te Esma Bajraktarević-Rožman kao sindikalni predstavnik.

Zapisnik vodi Ajla Janjoš, voditelj Službe za pravne poslove.

Predloženi Dnevni red jednoglasno usvojen i glasi:

1. Razmatranje i usvajanje Zapisnika sa 43. sjednice Upravnog odbora JU „Biblioteka Sarajeva“ održane dana 28.11.2024. godine
Prilog: Zapisnik sa 43. sjednice Upravnog odbora;
2. Utvrđivanje zaključaka o realizovanim odlukama i aktivnostima sa 43. sjednice;
3. Prijedlog plana COBISS revizije za 2025. godinu;
Prilog: Prijedlog plana COBISS revizije za 2025. godinu;
4. Informacije o nacrtu Budžeta za 2025. godinu i izjašnjenje i primjedba/prijedlog za nacrt Budžeta za 2025. godinu;
Prilog: Izjašnjenje i primjedba/prijedlog za nacrt Budžeta za 2025. godinu;
5. Razno.

Ad. 1

Razmatranje i usvajanje Zapisnika sa 43. sjednice Upravnog odbora JU „Biblioteka Sarajeva“ održane dana 28.11.2024. godine, **jednoglasno usvojeno.**

Ad.2

Utvrđivanje zaključaka o realizovanim odlukama i aktivnostima sa 43. sjednice održane dana 28.11.2024. godine, **jednoglasno usvojeno.**

Ad.3

Donosi se Odluka kojom se usvaja plan COBISS revizije za 2025. godinu, s obzirom da je revizija bibliotečkog fonda obavezujuća za JU Biblioteka Sarajeva, jer se na taj način ztvrđuje stvarno brojčano i fizičko stanje preinventarisane bibliotečke građe. Direktorica JU Biblioteka Sarajeva će pojedinačne odluke o reviziji i menovnanju Komisije za provođenje iste donijeti naknadno, **jednoglasno usvojeno**.

Ad.4

Kao izvjestilac četvrte tačke dnevnog reda je Kurtić Edhem, voditelj službe za ekonomsko-finansijske i opće poslove, koji navodi da je budžet Biblioteke planiran sa 2.532.200,00 KM po nacrtu Budžeta. Kada su u pitanju vlastita sredstva, gđin. Kurtić navodi da je planirano 100.000,00 KM, to je po Uredbi o vlastitim prihodima i tu spadaju članarine, najvećim dijelom i ostalo što se može podvesti pod vlastiti prihod. Po prvi put je uvršteno da dio sredstava koji se ne utroši u 2024. godini, prihodi koji se ostvare od transfera i donacija, da će isti biti preneseni u 2025. godinu.

Midhad Kurtović: Kada se prave ovi planovi da izdvajanja za knjige, koliko možemo, maksimalno povećamo, jer svi smo ovdje zbog knjiga i korisnici su ovdje zbog knjiga.

Ad.5

Pod tačkom Razno direktorica Merima Lendo upoznaje prisutne članove Upravnog odbora da je u toku revizija poslovanja JU Biblioteka Sarajeva, odnosno interna revizija je u ustanovi od 15.11.2024. godine, sve se mora dokumentovati šta i kako radimo. Također, imali smo i inspekcijski nadzor tokom prošlog mjeseca, odnosno inspekciju na poziv uposlenice koja je bila zaposlena u ustanovi i to zbog neuplaćene otpremnine, a najbitnije je da je ustanova čista u smislu postupanja, otpremnina je bila uplaćena, tako da je ustanova dobila pozitivan inspekcijski nadzor po pitanju otpremnine i dokumentacije koju smo trebali priložiti. Također direktorica navodi da je i treću godinu zaredom organizovan sistematski pregled uposlenika, te da od srijede počinju pregledi. JU Biblioteka Sarajeva je postala bogata za još jednu nagradu, odnosno kolega Saračević Narcis je osvojio nagradu „Mustafa Ćeman“. Direktorica navodi i da su radovi na odjeljenju Trg ZAVNOBiH-a počeli, postavlja se podna obloga – pločice, kao i da nažalost, odjeljenje u ul. Mula Mustafe Bašeskije nije završeno, da se majstori nalaze sa svojim agregatom i rade krovnu konstrukciju, dok mi još uvijek čekamo priključak za struju, kako bi se moglo početi raditi unutrašnji radovi.

ZAKLJUČCI:

- Razmatranje i usvajanje Zapisnika sa 43. sjednice Upravnog odbora JU „Biblioteka Sarajeva“ održane dana 28.11.2024. godine, **jednoglasno usvojeno**.
- Utvrđivanje zaključaka o realizovanim odlukama i aktivnostima sa 43. sjednice Upravnog odbora JU „Biblioteka Sarajeva“ održane dana 28.11.2024. godine, **jednoglasno usvojeno**.
- Treća tačka Dnevnog reda je donošenje Odluke o usvajanju prijedloga plana COBISS revizije za 2025. godinu, koja je donesena **jednoglasno**.
- Četvrta tačka Dnevnog reda je izjašnjenje i primjedba/prijedlog na nacrt Budžeta KS za 2025. godinu, te kao izvjestilac iste je Kurtić Edhem, voditelj službe za ekonomsko-finansijske i opće poslove, koji navodi da je budžet Biblioteke planiran sa 2.532.200,00 KM po nacrtu Budžeta. Kada su u pitanju vlastita sredstva, gđin. Kurtić navodi da je planirano 100.000,00 KM, to je po Uredbi o vlastitim prihodima i tu spadaju članarine, najvećim dijelom i ostalo što se može podvesti pod vlastiti prihod. Po prvi put je uvršteno da dio sredstava koji se ne utroši u 2024. godini, prihodi koji se ostvare od transfera i donacija, da će isti biti preneseni u 2025. godinu.

- Pod tačkom Razno direktorica je upoznala prisutne sa dosadašnjim aktivnostima, kao i onim koji su u planu da se realizuju do kraja godine.

Zaključuje se sjednica u 16,45 sati.

Zapisničar

Ajla Janjoš

